




TIYO NE KRISTO GADIERI

Lesson 10
mar
Septemba 5,
2026

"Pile idiyowa koni gi koni, to kata kamano ok dinnwa. Wadhier nono to chunywa ok a. Isandowa to ok jwang'wa, bende igoyowa piny, to ok negwa. Pile wating'o tho mane Yesu othogo e ringrewa, mondo ngima mar Yesu bende onenre e ringrewa"
(2 Jo-Korintho 4:8-10)



Ng'ano mane owacho ni ngima mar pastor en gima yot? Jotich mag injili nigi ting' maduong', kendo tich matek ma gitimo ok en gima onge gi chandruok.

Hera ne chunje ma lal, kod rit ma ng'won ma nyaka gichiw mondo orit kendo oger jogo ma oseyie injili, e gino mopogo jotich ma adieri gi ondiegi mangemo.

Ka kanisa tiyo kanyakla gi jotich mage kendo timo lokruok madongo e ngimagi, odoko gima kelo winjruok ma miyo ji duto bedo gi hoch kod mor.



TICH MAR PASTOR



Jotich ma nigi nyalo



Chandruok mag tich mar ote



TIJE MAG JOKANYO



Joote makelo winjruok



Idwaro ni wabed joma ler



DWOKO MAR TIYO KANYAKLA



Hoch kod mor

TICH MAR PASTOR

JOTICH MA NIGI NYALO

*"Un e barupwa mondiki e chunywa ma ng'ato ka ng'ato nyalo neno,
kendo somo" (2 Jo-Korintho 3:2)*

Nitie gik moko ma ok lokre ahinya bang' kinde mathoth. Barupe mag pwoch pod yawo dhoudi nyaka sani, mana kaka ne gitimo e higni mag 100 mokwongo. Bende Paulo ne dwaro barua mar pwoch mondo kanisa ma ne ni Korintho orwake? (2 Jo-Korintho 3:1)

Ne en gi barup pwoch maber molooyo duto ma ne yudore: jo-Korinto giwegi (2 Kor. 3:2). Chunygi ne oseloki kod ng'wono mar Nyasaye, kokalo kuom lendo mar jaote kod jogo mane tiyo kode (2 Kor. 3:3).

Paulo kod jokonyne ne gin "jotich Winjruok Manyien ma nigi nyalo" (2 Kor. 3:6). Singruok maduong', ma ondik gi Roho e chuny mar ngima mosiko.

To moko ne oluwo singruok machielo, ma en singruok mar warruok kuom tije mag Chik mane ondik e kidi, mane otamogi ng'eyo duong' mar ng'wono (2 Kor. 3:7-9).



CHANDRUOK MAG TICH OTE

"Mago duto obetie nikech un, mondo kaka ji mayudo ng'wono mogundho mar Nyasaye medore, e kaka erokamano mimiyigo Nyasaye duong' bende omedre." (2 Jo-Korintho 4:15)

Paulo ne ong'eyo chandruok ma lando injili kelo to notimo kinda e tij lendono. Nong'eyo ni ber mondo okadhi e chandruokgo nikech hera mane oherogo jomane omiyo thuolo mar yudo warruok (2 Kor. 4:15). Komedore gi mano, ne en gi adier mar kony ma wuok kuom Nyasaye (2 Kor. 4:7-9):

Wan...

idiyowa

wadhier nono

isandowa

igoyowa piny

To...

ok dinnwa


chunywa ok a

ok jwang'wa

ok negwa

Injili ilando kokalo kuom dhano ma yomyom mondo omi duong' odog ni Nyasaye kende.

"Thagruok matin mwayudoni rumo piyo" kendo ok nyal pime gi "duong' miwuoro kendo mosiko" ma wabiro yudo e chieng' chier (2 Kor. 4:14-18).



TIJE MAG JOKANYO

JOOTE MA KELO WINJRUOK

"Mago duto a kuom Nyasaye. En owuon ema ne omiyo wawinjore kode kuom Kristo, kendo nomiyowa tich mar kelo winjruok e kinde gi ji mamoko bende."

(2 Jo-Korintho 5:18)

Teko ma owinjore orit ngima mar kanisa (kod mar ng'ato ka ng'ato kuom jokanyo) en ma: "Nimar hera mar Kristo oloyowa chuth" (2 Kor. 5:14). Ang'o ma herano oting'o, kendo ang'o ma oloyowa chuth?

Kristo nochiwo ngimane nikech hera. Mano miyo wabedo gi gombo mar dak nikech en (2 Jo-Korintho 5:14-15).

Kristo oselosowa chuech manyien. Mano miyo waweyo ngimawa machon (2 Kor. 5:17)

Kristo osemiyo wabedo gi winjruok gi Nyasaye. Mano miyo wabedo joote mag winjruok (2 Kor. 5:18-20).

Omiyo, hera mar Kristo miyo wabedo gi lokruok maduong' e ngimawa. Dak e hera mar Kristo bende miyo mapuonjo ji ma moko herano, ka wajiwogi mondo giyie ote mar geno: "Winjreuru gi Nyasaye" (2 Kor. 5:20).



IDWARO NI WABED JOMA LER



Luong mar bedo jomaler mulo ngima ma pile ka pile mar jotich kod jokanyo:

Timo kinda e chandruok (2 Kor. 6:4-5)

Nyago olembe mag Roho (2 Kor. 6:6)

Bedo jadiera gi tim makare (2 Kor. 6:7)

Chungo motegno kata gi manade timre
(2 Kor. 6:8-10)

Yawo chunywa ne jomoko (2 Kor. 6:11-13)

Thegruok gi gik maricho ma joma ok oyie kuom Nyasaye
timo (2 Kor. 6:14-15)

“Osiepewa, mago e singruok ma osemiwa. Kuom mano, nyaka wapuodhre kuom gik moko duto mamiyo ringruok kod chuny doko mochido, mondo wadok joma ler chuth, kwabedo joma oluoro Nyasaye.” (2 Jo-Korintho 7:1)

Koriwo weche mopogore opogore manie Muma Machon, Paulo keto e yo machuok luong ni wabed jomaler kod gik ma biro bang’e (2 Kor. 6:16-18):

Luong

- Auru kuonde mag richo
- Pogreuru gi joricho
- Kik umul gimoro mogak

Gik mabiro bang’e

- Abiro dak kodu
- Anabed Nyasachu
- Unubed joga
- Anarwaku
- Anabed wuonu


DWOKO MAR TIYO KANYAKLA

HOCH KOD MOR

“Chunya ni thuolo ka alosu kodu, kendo an gi mor maduong' nikech un! Kata obedo ni chandruokwa ng'eny kamano, to achung' motegno, kendo amor mokadho!” (2 Jo-Korintho 7:4)

Kata obedo ni ne en gi pek mang'eny, Paulo ne mor ahinya. (2 Kor. 7:4). Ang'o momiyo nobedo gi mor ma kamano?

Paulo ne osendiko barua makwiny ni jo-Korintho, mane omiyo gibedo gi kuyo (2 Kor. 7:8). To kuyono ne omiyo giloko chunyi (2 Kor. 7:9-10). Ne okelo lokruok chuth e winjruokgi gi Paulo, kendo gi jowetegi (2 Kor. 7:11-12).



Omiyo, ne nitie horuok ni ji duto. Tito mane tiyo gi Paulo, ne oyudo horuok. (2 Kor. 7:7). Paulo ne oyudo hoch kuom biro mar Tito (2 Kor. 7:6). Jo-Korintho ne oseyudo horuok, ma bende ne okelo horuok ne Paulo (2 Kor. 7:13).

To Paulo ne ok okawo pak moro amora kuom wachno. Ka pastere kod jokanyo nyalo yudo mor kod horuok, en nikech Nyasaye “jiwo joma okuyo” (2 Kor. 7:6a).

“Tich mar lendo tiende en tiyo ni ji, kendo wan duto oluongwa mondo watim tijno. En tim marach ni Nyasaye ka ng’ato moro amora oyiero ngima mar miyore mor owuon. Owetena gi nyiminena, bende ung’eyo ni higa ka higa chunje gana gi gana lal, ka githo e richogi nikech ler mar adiera pok omeny e yoregi?”

Nitie tich maduong’ ma onego otim e pinywa. Chuo kod mon onego oloki, ok kuom mich mar dhok mopogore opogore kata kuom timo honni, to kuom yalo Kristo mane ogur. Marang’o wadeko timo gima biro miyo piny obed maber molooyo?